

LISTA DI NUMBER DI EMERGENSIA

- 911 Polis
- 911 Brantwer
- 912 Ambulans
- 913 Wardakosta
- 0800-1234 e number aki lo ser aktivá den kaso di un krísis òf kalamidat pa suministrá informashon na e pueblo di Kòrsou.
- 97.9 FM ta bira e radio di emergensia den momentu di un krísis òf kalamidat.

Nota e numbernan aki den bo telefòn òf un kaminda den bo kas ku ta visibel!

DIREKTORADO DI KONTRÒL DI RIESGO & MANEHO PA KALAMIDAT (DRR)

Direktorado di Kontròl di Riesgo & Maneho pa Kalamidat (DRR) ta e direktorado den ministerio di Asuntunan General, ku ta duna atenshon na tur lokual mester pa garantisá i salbuardiá na un manera efektivu i efisiente, bida, kontinuidat sosial, medio ambiente i vienes di pais Kòrsou, promé, durante i despues di un krísis òf kalamidat. DRR ta enkargá k'e responsabilidat pa apliká e lei pa kalamidat, Landsverordening Rampenbestrijding.

Pa mas informashon di Directie Risicobeheersing & Rampenbeleid bishita e wèpsait www.kalamidat.cw òf Facebook: **RisicobeheersingCuracao**.

Download e app '**Kalamidat**' kompletamente grátis den App store òf Google play.

Pa mas informashon di servisio Meteorológiko bishita e wèpsait www.meteo.cw òf Facebook: **Meteorological Department Curacao**.

Download e app di servisio Meteorológiko '**Curacao Weather App**' kompletamente grátis den App store òf Google play.



Pa bo propio protekshon, bo famia, bo interesnan i bo bario: Download bo App, wak riba nos paginá di Facebook òf bishita nos wèpsait, lesa den buki di telefòn pa bo ta debidamente informá i pa ta prepará!



MINISTERIO DI
ASUNTUNAN GENERAL
DIREKTORADO DI KONTRÒL DI RIESGO & MANEHO PA KALAMIDAT

INFORMASHON TOKANTE TEMBLOR, DERUMBE I TSUNAMI

Un temblor ta un fenómeno kaminda ku suela ta sakudí di repente i durante di un ratu, dor ku energia ku a akumulá bou di suela ta bini liber den forma di olanan sísmiko.



- kabes i garganta ku bo mannan
- Keda leu for di spil, portanan di glas i ophetonan pisá wardá den kashinan ku por hasi bo daño
 - No usa left. Traپی ta mas sigur.
 - Trata na paga kandelanan chiki si tin

DESPUES DI UN TEMBLOR/DERUMBE:

- Paga tinu pa posibel wayanan di koriente deskonektá
- Notifiká si bo ta den situashon di peliger, eventualmente via bo telefon selular yama 911.
- Si bo keda tapá bou di restunan di piedra ku blòki, keda mas ketu posibel eibou i trata na hasi zonido riba kualke pipa òf tubu. Grita únikamente si no por otro pa asina spar oksígeno

LOKUAL ABO POR HASI PROMÉ I DESPUES DI UN TEMBLOR/DERUMBE

PROMÉ KU UN TEMBLOR/DERUMBE:

- Semper wak rònt pa bo sa unda e salida di emergensia ta ora bo ta den un edifisio deskonosí. Esaki pa sigurá ku bo por sali na momentu di peliger.
- Sòru pa semper tin un radio ku ta traha riba bateria
- Buta bo radio na e frekuensia di e Radio di Emergensia 97.9 FM, wak televishon, bishita www.kalamidat.cw òf bo app Kalamidat.
- Sòru pa bo tin stòk di kuminda den kaso di emergensia den kas.

Durante un temblor/derumbe:

- Keda riba suela, skonde bou òf banda di un muebel pisá òf kozein di porta keda sinta ketu einan i protehá bo

LOKUAL GOBIÈRNU TA HASI

Kasnan i edifisionan na Kòrsou mester kumpli ku sierto eksigensianan di konstrukshon ku gobièrnu a stipulá. Apesar di esei tin edifisionan ku un konstrukshon hopi bieu ku un ora pa otro por derumbá.

Por ehèmpel ora ta trata di un edifisio ku tin daño okashoná pa un kandela, eksploshon òf mal mantenshon.

TSUNAMI



Un tsunami ta un ola òf serie di ola ku ta ser produsí den un masa di awa i ku ta ser pusha violentamente dor di un forsa a base di p.e. un temblor.

DURANTE DI UN TSUNAMI:

Un tsunami no ta tuma dia i ora pa forma pero por yega nos kosta den mas o ménos 20 minüt despues di un temblor den nos region. No tarda niun ratu so ora bo risibí alarma di tsunami. Sigur ora bo ta den besindario di kosta. Kue tur miembro di bo famia i sòru di subi mas lihé posibel, den algun minüt, un kaminda mas haltu i mas leu for di kosta. No tarda pa motibu di buska bo pertenensianan. Bo bida tin mas balor.



DESPUES DI UN TSUNAMI:

No bai hasi kos di kaweta pa bai wak kiko a sosodé den e área kaminda e tsunami a okashoná. E por ta peligroso ainda. Informá outoridatnan unda bo ta despues ku bo a logra di instalá bo mes i bo famia den un área mas sigur.



RAMPENBESTRIJDINGSORGANISATIE

Rampenbestrijdingsorganisatie (RBo) ta e organisashon na Kòrsou ku ta enkargá ku e kordinashon di un krisis òf kalamidat i alabes ta sòru pa mitiga e efektonan ku esaki por tin.

E RBo ta konsistí di 9 Emergency Support Functions (ESF) ku ta diferente organisashon ku ta traha huntu pa mitiga e efektonan ku un krisis òf kalamidat por tin.

E ESF'S TA SER REPARTÍ DEN:

- ESF 1: Awa i Energia (Aqualectra)
- ESF 2: Telekomunikashon (BT&P)
- ESF 3: Obranen Públiko (UOOW)
- ESF 4: Reskate i Seguridat (Brantwer)
- ESF 5: Òrden Públiko (Polis)
- ESF 6: Salubridat Públiko (Ambulans)
- ESF 7: Asuntunan Sosial (Min. SOAW/Shèlter)
- ESF 8: Komunikashon (DC&V)
- ESF 9: Asuntunan Públiko (WJZ/Min. AZ)

E ORGANISASHONNAN KU TA AFILIÁ NA E RBO TA:

- | | |
|-----------------------------------------------|----------------------|
| Douane | Meteo |
| Rode Kruis | Ouderenhulp |
| Imigrashon | ABC busbedrijf |
| Warda Kosta | Koepelorganisaties |
| GIS4C (Geografische informatie) | SEHOS |
| Citro | Sentro di barionan |
| Boluntario den e 'Emergency Operation Center' | Media |
| Koninklijke Marine | Lokalidat di shèlter |
| Sektor Turistiko e.o. CHATA i CTB | CPA/CPO |
| OM | Schoolbesturen |
| Skuchami i Slachtofferhulp | HATO |